



UNIVERSITÄTS-
BIBLIOTHEK
PADERBORN

**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaeer, Jean de

Antverpiæ, 1635

Prosa Exegesis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

PROSA EXEGESIS.

MIRVM fortasse cuiquam videbitur, cùm haec tenus Ecclesiastes velut æger in vanitatis lecto volutus, quocumq; caput verteret, nihil nisi morbum suum, id est vanitatem, & è vanitate conceptam animi ægritudinem inuenierit, nunc eumdem præter consuetudinem inuentâ singulari sapientiâ recreari, & in eadem acquiescere. Sed profectò si quis in eius scopum paulò accuratiùs mentis aciem intenderit, perspectâ rei indigitate, fatebitur hîc nouâ potiùs vanitate eius animi vulnus exulcerari.

Et quidem non vnum, sed varium ac multiplex vanitatis genus in hoc seu vero seu commentatio strategem deprehendet. Primum enim vanissimum est, cùm ciues illi sapienti salutem atque incolumentem suam acceptam ferre debeant, pluris tamen apud eos esse fortitudinem ac robur corporis, quam sapientiam. Deinde multum vanitatis habet ac molestiæ tanta ingratitudo erga salutis suæ vindicem. Denique omnium vanissimum est, propter honestam minimeque indecoram paupertatem, sapientiam contemni. Excutiamus singula paulò enucleatiùs.

Antiqua est illa non vulgi tantùm, sed nobilium atque optimatum insanìa, corporis robur & bellica facinora in cælum usque extollentium. Hinc Herculem Græci monstrorum debellatorem ex Oetæis flamnis in cælum euolasse fabulati sunt. Romani vero sic bellicam virtutem suspexerunt, ut vix aliam ad cœtum Deorum viam agnouerint, quam exercitus ducere, urbes delere, liberos populos aut trucidare, aut subiicere seruituti. O merum cacodæmonis inuentum! Quis ille

Oooo tan-

Lactantius
1.1 de Falsâ
relig. c. 18. tantus est aut stupor, aut furor? Si quis vnam aliquem iugulauerit, nefarius habetur, nec ad ullum fani angulum admittitur: qui verò infinita hominum millia trucidauerit, cruento campos inundauerit, flumina infecrit, non modò in templum, sed etiam in cælum admittitur. Apud Ennium sic loquitur Africanus:

Si fas cædendo cælestia scandere cuiquam est,

Mi soli cali maxima porta patet.

O quantis in tenebris, Africane, versatus es, qui per cades & sanguinem patere hominibus aditum in cælum putaueris! Cui vanitati & Cicero assensus, Est verò, inquit, Africane: nam & Herculi eadem ipsa porta patuit. Tamquam ipse planè, cum id fieret, ianitor fuerit in cælo. Profectò si alia ad immortalitatem non patet via, quam per sanguinem ac ruinam plurimorum; misera erit earum gentium conditio, quæ pietatem, quæ iustitiam, quæ pacem concordiamque sectantur. At si hoc nemo vestrūm ita sentit, restat ut hoc solum apud posteritatem gloriæ sibi fore crediderint, virtute bellicâ feris barbarisque gentibus, aut numerosis exercitibus præualere.

Sapientia
præualeat
viribus
corporis.

Ciaconus
in Vita ciuis,
& Brutonius
anno Christi
fili 452.

Quod si gloriosum ducimus, quantò maior honos habendus est sapientiae, quæ non raro absque cæde & sanguine truculentos Reges barbarosque exercitus subiugauit? Videte nunc igitur sapientissimum Pontificem Leonem, verè Magnum, non tantum ferocissimo Hunnorum Regi Attilæ, qui à crudelitate Flagellum Dei cognominabatur, sed toti etiam eius exercitui victoriis in solescenti, vnicum & inermem oppositum; & tamē tam potenter eorum animis dominatus est, ut retrò abire iussis, Romanum excidio, Italiam vastitate liberatuerit. Nec minori sapientiae laude non ita multò post Geisrico,

iam

iam Vrbe potito, persuasit, vt à stupris, incendiis ac cædibus abstineret.

Quid Franciscum Xauerium commemorem, illustre
Societatis nostræ decus? qui, irruente in Trauancorideim Tarsellinus
lib. 2. Vitæ
Xauerij,
c. 11.
magnâ Bagadaru manu, iam iamque Christianorum
iugulis imminente, vt suos protegeret, nudum pectus
eorum mucronibus obiecit, acribusque verbis eorum
dementiam castigauit. Nec verò mentis ardorem ex
vultu & oculis micantem barbari tulerunt; sed siue mi-
raculo audaciæ obstupesfacti, siue reuerentiâ virtutis
permoti, Francisci causâ ceteris pepercerunt. Sed dum
sapientiæ laudibus indulgeo, opinione meâ longius
prouectus sum.

Alterum itaque quod in hac historiâ vanissimum de-
prehendo, est insignis erga patriæ parentem ac vindicem
ingratitudo, quam paucis verbis expressit Ecclesiastes.
*Inuentus est, inquit, pauper & sapiens, & liberavit
urbem per sapientiam suam, & nullus deinceps recordatus est
hominis illius pauperis.* Quid tam indignum, quâm eius ingratitu-
dinis vani-
tas atq; in-
dignitas.
beneficium, cui vitam & salutem debeas, ne gratâ qui-
dem memoriâ recolere? Certè cùm nulla satis digna
eius meritis sint præmia, hoc saltē, si qua humanita-
tis scintilla in eorum cordibus arderet, ipsa ratio sugge-
rere debebat, vt eius inopiæ opportunis mediis sub-
uenirent. At contrà fieri non raro videmus, vt qui refe-
rendis gratiis pares esse aut non possunt, aut nolunt, ob-
livione potius beneficium oblitterare, quâm vel leuissi-
mâ affectûs significatione prosequi contendant: & quos
pudet eò redactos fuisse vt beneficio opus habuerint,
iidem se illud accepisse indignantur.

Non ingrediar hanc ingratitudinis siluam cæduam,
vt exemplis indignitatem rei exaggerem: vnum tan-

Oooo 2 tum-

Val Max.
lib. 4. c. 4.

tummodò ramum defringam. Quantum gratiarum viris Romanæ Patres debuisse arbitramur Agrippæ Menenio, Senatum inter plebemque pacis arbitro? & quantis auctum præmiis publicæ salutis auctorem credimus? Hic tamen, nisi à populo collatis in capita sextantibus funeratus esset, ita pecuniaæ inops decessit, ut sepulturæ honore fuerit priuandus.

Sapientia
vulgo con-
tempita.

Plutarch in
Aristide.

Sed ne longior sim, & ad tertium, idemque vanissimum, stylum conuertam, illa me Ecclesiastæ interpellat admiratio, *Quomodo sapientia pauperis contempta est, & verba eius non sunt auditæ?* Mirari desine, vir sapientissime, acerbiorem etiam, si voles, sapientis casum in medium producam. *Quis vlli umquam ciuitati aut Republicæ utilior fuit, quam Atheniensi Aristides:* qui cùm prudentiâ vsuque rerum ceteris antecelleret, non solum nullum egestatis suæ subsidium spectabat, sed ne contentionem quidem laudis & gloriae cum Themistocle suscipiendam sibi putabat, sed omnia iustitiâ, integritate, patriæ charitate, recteque factorum conscientiâ metiebatur: hunc tamen pauperem sapientem, nulli noxiū, Republicæ salutarem, non tantum populus contempserit, sed etiam ostracismo in exilium relegauit. O stulta semper turba, & vulgus meritorum pessimus æstimator! qui nimirum oculis suis de homine credens, magnitudinem eius externo splendore metitur. *Quo quid esse potest iniquius?* Vel ob id ipsum suspicendus erat Aristides, quod gratuitam non mercenariam ciuibus operam nauabat. Et si quis aliis sub Sole pauper sapiens inuenitur, eò nobis carior esse debet, quod virtutem in virtute, non fortunam quæstunque consecetur.

Sed macte animis, quicumque hanc veram Philosophiam,

phiam, nulloque fuso adulteratam procaris: neque mi-
nus esse te felicem arbitrare, si te populus infesto cachin-
no exsiblet, quin immò illud Publij frequenter expen-
de: Nondum felix es, si nondum te turba derideat. Ni-
hil magis mihi persuasi, inquiebat Socrates, quā in ne ad
opiniones vestras actum vitæ meæ flecterem. Solita con-
ferte vndeque verba; non conuictiari vos putabo, sed va-
gire velut infantes miserrimos.

Et verò quid sapienti detrahit stultorum conte-
ptus fortunæ donis, vestiumque pompa, quā prætexta
sunt corpora, cuncta metentium? Ut externum ali-
quem splendorem auferant, natuam certè lucem illi
relinquent. Infra animum sapientis est, quidquid ex-
trinsecus occurrit, & nubium modo interuenit, quæ so-
lares interdum radios nobis abscondunt, sed ipsum so-
lem adeò non inquinant, ut ne tangant quidem. Itaque
nec si populi fauor accesserit, insolefecit; neque si petu-
lantis vulgi pedibus obtritus fuerit, alienis sordibus ob-
solefecit. Denique & in tenebris instar Cynosuræ cu-
iusdam radios diffundit, & in recessu solitudinis am-
plissimum sibi theatrum repræsentat. Hinc subiungit
Ecclesiastes:

SECTIO NONA.

ECCLESIASTES.

VERSUS 17. Verba sapientium audiuntur in si-
lentio plus quam clamor Principis inter stu-
tos.

Oooo 3

METRI.